

## 2 Pitai Pitai Píkarya Ayawídaasi Yídavakesira.

<sup>1</sup> Nya'mweihi,

Saaimoni Pitainyi Jizaazai Kíraazitiyare yaasiwa'wawinyainyi. Sahwai gannya yagaalya' Nyídasaabadeinyi Apozeliyainyi. Sareinyi píkarya daza' yihithawas+waabe. Yi a'mweihirina, Kíraazitiyari diraginna limwanga nawinyabwi mena maaresahirina yihithawas+waabe. Sarinnya nawinya dazabwi nemi maaro diraginna limwanga avaala dazabulyi. Limwanga dazabwi nemire Gotiyai nevdaihasamaarakei Jizaazai Kíraazitiyare tewaanya yida'maraangevi mena yihizaavakebulyi. <sup>2</sup> Gotiyalyi Jizaazai nemire Naangelyi saraari nebulya'na yawiramaa'divisavi sariminyi yanga gaimwange'na tewaanna wia'nesi kwaamu'nanyaburi tewaanya mwaalya'nesi naanna yihwarana!

*Gotiyai jaka nejivwaramaasabulyi yune gaminneinaavi nedahilakyabulyi sawaarinesi.*

<sup>3</sup> Gannya diraginya Gotiyaridaa'nyavi Kíraazitiyai nemi gaala yiniga wi'na mwaalya'nejí Gotiyareburineji sa yuya yanga nejaavakelyi. Nemi Kíraazitiyai gami sari nebulya'na yawirangadaanya'ne'na yuya daza nemirengira. Yi gannya byaanna diraginyasi

gannya tewaanaangesi nejaaya'neinaavi jaka neji'vwaramaarakel'nanyi. <sup>4</sup> Sawaaridaa'nyine nemi'nyine yune naanga nebulya'na daka nawi'nyaangeji yune naangeji mena nejaavakengi. Sare' dara ya'na. "Yune naanga nebulya'na dena sangi yi munyi' dikaata sabwi a'mwe Kwaaka davakiyaraavi wiwa'deraavi wana kayaaka wigalakadevuri gimilikaanya yenadaava'gizi kayaaka yima'nade sabwi davalaka!" daka naanga gizaavakengi. Nabaai sara ya'gizi gaalyasi yune Gotiyare yawisabulyi je'mwannamaa'del'nanyi. Yi Gotiyaibisaigi jima'nade'l'nanyi. Sare'na mena nejaavakengi. <sup>5</sup> Sabaai' nabaai gimil' dakin'ike dazahiriv'inaji nayaa yawi'di diraginna yadi gimire diraginna limwangeburiji tewaanyabwi je'mwagakya! Nabaai tewaanyaburiji Gotiyare sidu'nakebwi je'mwagakya! <sup>6</sup> Nabaai sidu'nakeburiji gimire kilaaakejikine saburi nayaa maremwaalyabwi je'mwagakya! Nabaai maremwaainyaburiji taanga gwa'di'nyidiraginna daayabwi je'mwagakya! Nabaai diraginna daayaburiji Gotiyainebwi je'mwagakya! <sup>7</sup> Nabaai Gotiyaineburiji neya'mweraji nya'mwana mwaalya sabwi je'mwagakya! Nabaai neya'mweraavi ye'mwannemwaala saburiji pwaraavina tewaanya givu'nada tewaanna wiabwi je'mwagakya! <sup>8</sup> Sare' dare'l'nanyi. Giminyi yuya sa kuna gwa'di'nyisasare sabwi kuna naanga yima'nadevulyi. Nabaai yawita sa' yaasiwa'na warade' mi'. Savi tika munne kwalaalya yima'nadengi. Sarevida'nyinemi Jizaazai Kiraazitiyai nemire Naangeri

nebulya'na yawiranganaade'nanyĩ. <sup>9</sup> Nabaai sare' dare'nanyĩ. A'mwe sasare sabura maayai yuya Sigunyaba warike tinna wangadei mi'. Sai tinna tibinyalyi. Gotiyai gamire yuya kayaa'nanya sinnawi yake sa duimwagasi'nake' navika mena yadelyi. <sup>10</sup> Nya'mweigi, sarevidaanyĩ sabwi minna! Aawa. Diraginnanga yadi dara jawiramaaka! "Gotiyai jaka nejvwaramaaraka sabulyi gami saharineinaavi nedahilakaka sabulyi kuna diraginna yawiraana! Sareina dazaburaavi nayaa yamaryaana!" Sare' dare'nanyĩ. Gimi sara yija' mwalaraawi jitheiginyi. Arikewi. <sup>11</sup> Nabaai sare' dare'nanyĩ. Gimi sasare sabwi mididiza' nemire Naangei nevadaihasamaa'dei Jizaazai Kiraazitiyai maremwaaidevi tikurya' yunebanna baasada nawi'nya saharivi yanga naange'na gimwaaihozi gimi yuyagaa' yuyagaa'nevi dimwaaide'nanyĩ.

*Kiraazitiyarine Widaasadera tinna wanganesa'nesi.*

<sup>12</sup> Sasarevidaanyĩ sarimi yuya dazangi mena yawirangadivi' mena maa'divi' yagaala nebula dazavi diraginna daaveta kiri' sariminyi ayina yidikavimwaihya' yuya sagaa' sa'na jawiryide'na "Sariminyi ayina yihithima!" dadi yihithawasivanaabihe. <sup>13-14</sup> Nemire Naangei Jizaazai Kiraazitiyai nyibwaridaakwake' nimir kilaakeji' siminya'bisaji' yagalya'mavidehaa' maalikegaa' wa'dozi yune maalikegaa'na balideinyi. Sara yawi'manige'naji nabaai nimi "Darebwi nawi'nyabulyi. 'Yuyagaa'

kilaaka sajikina nimi kuna mwaaidi sarimire simunyangi yidikavimwaihya'na ayina sara yihithideinyi,' ” yawi'manige'naji kuna sara yihithideinyi. Sare' nawi'nyasi. <sup>15</sup> Sare'na sariminyi wijiwaakya' diraginna yide'nanyi. Nabaai divi nimi mena kabala'muri yuyagaa' sarimi yagaala daza' ayina jawiryide'nanyi. Yi sarimi tinna wanganapiji “O, Pitai sara nedakesi,” jawiryide'na yihithawasivanaabhe.

<sup>16</sup> Sare' dare'nesi. Nemi mena yihithivanigo nemire Naangei Jizaazai Kiraazitiyare diraginya'na, nabaai sahwai ayina bathevwinesi sarimi mena yawi'divisaihilyi. Kiri' nemi yaasiwa' wajingyagaala sidu'nakebi' dinika mamidinnyadaa gamire yagaala daza' mihizo. Aawaawa. Nemire tinnyari Gotiyare diraginya' maarakeri nemi tinna wanganorina. Sarevidaa'nyi nemi jalikurakivanigo. <sup>17</sup> Sare' dare'nanyi. Ganimaangei Gotiyai sahwarine yaya' munyaba makida byaanna nawi'nya' wijaavaka gamire Sigunyaviya byaanna naange' gamire maremwalyaburine' savi mwaalakebadaa'nyi Gotiyai dake yagaala datha' Jizaazarina yasaaba' “Dazai nimir Nyibwaalivaangelyi. Sahwarina teawaanya nyivu'nivanil. Sahwai yilaaya nyigaidelyi.” <sup>18</sup> Nemi gamiji mugunya nawi'nya' girika maaya' savi ye'mwannemwaalona yagaaimangwiraaya daza' Sigunyavidaa'nyi kinnigava' nemi kadika mena wi'nagovinera.

<sup>19</sup> Sarevidaa'nyi nemi Gotiyari wi'nawijiwakyaasaraavire yagaalya' diraginna naanna yawirama'daanyaine “Yo. Sa'

naanga nebulyasi.” Nabaai sarimi kwaihiyi kumire yagaalya' diraginna limwabiza', sa' naangesi. Mugunyavi tinna wangano sa' maalikesi. Gotiyari wi'nawijiwakyasaraavire yagaalya' wavila'nike' d'baakei jihinyawi baaka wilaliwarikeibisasi. Yi sa' kuna liwa'da yune Kiraazitiyarine yirikegaa'na. Sara yada yirikevaki bilyiri'de kaabwe' wannadevaabi' Kiraazitiyai walaabathehaa' gamire byaanna sarimire simunyangi yuna wilayihithikaavadelyi. <sup>20</sup> Yagaala dazavine yawita sinnawinya' daresi. Nayaa yawiranganna ja! “Gotiyare Bukuyavi Gotiyari wi'nawijiwakyasaraavire yagaala gazasavi aaya kaavilyavina nennya yune simunya gavengina mamidinaanna!” <sup>21</sup> Sare' dare'nanyi. Kigaakuna a'mwe pwai gamire simunyavidaa'nyi Gotiyari wi'nawijiwaakiyagaalya dakai mi'. Aawa. Kurya Tewaanyai a'mweraavi kadithaa'bwara' yagaala Gotiyai wijaavaka sa a'mwe tewaanyara pwaraavi wijiwaakina yina yesangi. Sare'na Gotiyare Kuryai negaimwadaawoji aaya kaavila sa' yawiramaraade'nanyi.

## 2

*Wijiwaakya kwaasiyaraavina mala nayaa jiwannyide'nesi.*

*(Juthiyai 4-13)*

<sup>1</sup> Nabaai kigaakuna sagaa' Yizireliyara Gotiyareraayaba Gotiyari wi'nawijiwaakya kwaasiyara mwaalina. Sasare sabaabi' kwaasi yagaala ja'ne wijiwaakadivita pwara sarimi

kwaihiṛi mwaalina yihipi'dera. Sahwara kumirebwina lika yulya'divi' "Nawi'nyainera. Kiraazitiyareina," dadivi' kwaasi yagaala pininna pininnanya a'mweraavi kayaaka yigalakya'ne yawisa dipi'derera. Naangei kumire maremwaaidei kuminyi mubaka kwara kiri' sahwarina bule'na wijaavina yipi'derera. Nabaai sara yadivi' kumi sara kayaaka yime'nyab' yima'nipi'derera. <sup>2</sup> Sahwara kwaasiya' dadivi' girikita'nanya yaasiwa' avaanna wilamaryadaapiji Kiraazitiyare pwara a'mwe kwalaalyara kumire kayaa'nanya sabura midibi'derera. Sara yipi'deraavina a'mwe Kiraazitiyari malimwagyara Naangere nebula nawi'nya sabwine tusavina biraiyagaala dipi'dere. <sup>3</sup> Kwaasi wijiwaakya dazara gilyivita pwaraavirengi wabarinna yadivita sarevi sarimire nigwianna "Mwagi'naana!" dadivi' kwaasi yagaala kwalaalya yihithipi'dere. Kiri' nabaai kigaakuna sasareraavina yawibwata ja'ne Gotiyai mena yovirawakyaakelyi. Sahwaraavi kayaaka yigalakya'ne' se mwarika. Aawa. Sahwaraavina yemwaalika.

<sup>4</sup> Sare' dare'nanyi. Mamaaya pwara kigaa' kayaa'na yaasaraavi, kiri' Gotiyai mwanganakyaakere. Aawa. Yiroriyavi kalavuzza marapweyirakakera mwalyaasara yirorila wana jihinyavi kuna mwaaiha'. Dahaa' kalavuzavi kuna mwaaleva yawibwasa'na yemwaiha'. Sabaalibi' Gotiyai kwaasiyaraavi sara yadei midaaka! <sup>5</sup> Nabaai a'mwe sinnawinyara Gotiyari bule'na wijayaasaraavi sai mwanganakyaakere. Aawa. Aalyaaka

naange' yima'naka kamaramilyaa' sarera aalya naangevi yiwina yaa'. Kiril' Nowaai tewaanya yida'maraangebwinawijiwakyaakeri Gotiyai nayaa maremwaaina wiaakelyi. A'mwe ata puridaa'nyipwaraalyara Nowaarenidakaaviya sarerajitewaanna mwaalina yaa'. Yi nabaai Gotiyai sara yadei midaaka! <sup>6</sup> Sai Anga Sothomiji Anga Gomorajisabanyaalyaraavire kayaa'na yadivisabwinasimunya jidayaakelyi. Anga naanga sabanyaai Gotiyai dike' yira'na kyaa' yune kwaagisa'na warina. Sai sabanyaari kayaa'nanya' sara karivikiryaa' anga naanga sabanyaai yuna kayaaka yima'nyina yaa'. Sarevi nabaai divi Gotiyarina a'mwe bule'na wijaavipijara pwiyasinnawinya daza'na yawirya'nesi. Sa' yawita dividaa'nyikuminyi yima'nade'na tinna wanganya'ne yaamiji sa' yaakesi. Yi nabaai Gotiyai sara yadei midaaka! <sup>7</sup> Nabaai Gotiyai a'mwe yida'maraanga Lotimi padaihasamaa'na kyaa' sai kayaaka minyaa'. Lotimi a'mwe kayaa'nanyaraavire girikita'nanya sabwinasimunya' taanginya winaryaakelyi. <sup>8</sup> Sare' dare'nesi. A'mwe yida'maraanga dazai sahwaraviti tinniyaba wilawimwalyaakei, kumire kayaa'nanya yadaapiya tinna wanganna yada yuya yirikerikaavi kumire kayaakyagaala dadaapiya kadika wi'nyina. Gamire simunya' yida'maraangebwinawadei, sai lika yiwaainadagamire simunyavi daanga wividelyi kiwinya dinikengi galazekivala sabwi yadaapi. Kiril' nabaai Gotiyai sara padaihasamaa'na yadei midaaka! <sup>9</sup> Yo, sara yada yaakevi a'mwe Gotiyari

mɪdɪdɪvɪsaraavɪ yɪjɪwaala pɪnɪ kwɪma'nojɪ  
 yɪjɪwaala sabwi marasɪ'nya'na Naangei mena  
 yawɪ'dei sara yannelyɪ. Padaihasamaarannelyɪ.  
 Nabaai dahaakɪgaasɪ yɪrɪka yawɪbwarya'ne  
 kɪgaasɪ a'mwe kayaa'nanyaraavɪre sabwina  
 kayaa'nanya' tɪvɪkɪsa'najɪ mena yawɪ'delyɪ.  
 Yɪ kayaa'nanya' tɪvɪkɪsa'na sahwaravɪ kuna  
 dɪragɪnna marirakadelyɪ. <sup>10</sup> Tɪvɪkɪta naange'  
 dareraavɪnesɪ. A'mwera munyɪ' dɪka yɪdade  
 sabwi mɪdɪdɪvɪ' kayaa'na gɪrɪkɪta'nanya sabwi  
 yadɪvɪsare. Sara yadɪvɪ' "Gotɪyare yagaalya'najɪ  
 a'mwe naangeraavɪre yagaalya'najɪ  
 yaasɪwa'nanyasɪra," yawɪ'dɪvɪsare.

A'mwe kwaasɪ dadɪvɪta sahwaravɪ yɪ navɪka  
 yɪbwaakadɪvɪ' yune kunnyabwina mɪdɪdɪvɪsare.  
 Nabaai byaannaka kayaa'nanyaraavɪ  
 bɪraiyagaala danganya'na lɪka maalɪka kɪrɪ'  
 myadɪvɪsare. <sup>11</sup> Mamaayara dɪragɪnya  
 naangejɪyara a'mwe dazaraavɪ wavɪla'dɪvɪsare.  
 Kɪrɪ' sahwaravɪ Naangeryaba byaannakeraavɪ  
 kotɪya wɪmaryadɪvɪ' bɪraiyagaala wɪdadɪvɪtara  
 mɪ'. <sup>12</sup> A'mwe dazara yɪkuriyaawɪara  
 yune kɪlaakejɪkɪna mɪdɪdɪvɪta saraavɪre  
 sɪmumaaya kune sabɪsasiyare. A'mwera  
 yɪkuriyaawɪaraavɪ maa'dɪvɪ' tamakya'nera  
 ganaange' maarakerabɪsare. Yɪ sahwaravɪ  
 myawɪranganyadɪvɪsanna, sahɪnɪnna  
 bɪraiyagaala dadɪvɪsare. Yɪkuriyaawɪa bwɪa  
 bura'devaabɪ' a'mwe dazahwaravɪ kayaaka  
 yɪma'nɪpɪ'dere. <sup>13</sup> Sahwaravɪ kayaa'nanya  
 dala pɪnɪnna pɪnɪnnanya yadɪvɪsaraavɪ  
 kumɪre kayaa'nanyabwina kayaa'nanya  
 daza wɪrɪvɪkɪradere. Sahwaravɪ yawɪ'na



“Tika munne nyabulyi biyaaya kwalaalya nibainyabulyi sawita gaveгаа' aala! Nemi nyilyagaa' sara yaana!” Sara yawi'na yadivi' sabwina yilaaya'na yadivisare. Sarimire tika munne sarimiji yihye'mwannanadivi' sariminyawi kwaasiya sahwaragirikita'nanyara wilya'hi'mwaaidivisare. Sariminyi yiwihwaaryabisare. Sariminyawi sara yadivi' sariminyi kumire kwaasiya yadivita sabwina yilaaya yadivisare. <sup>14</sup> Kumire tinnyai yuyagaa' a'mwengi wangadivi' atalimwangebawina ya'nera yawi'divi' sarevi kayaa'na yabwina mwakwasakipi'dera mi'. Aawa nebulyasi. A'mwera kumire simunya' diraginya mwaryaderaavi wabwiwayagaala widadiviki. Sara yadivi' kayaa'na ya'neraavi makwodiviki. Pwaraavire gilyivisangi wabarinna yabwina simunya mena maa'divisara. Sare'na Gotiyai yuna Dikevi marasi'nadera mwaihasara! <sup>15</sup> Tuta tewaanya yida'nanya sarikina bule'na wijaavadivi' yaasiwa' yiraataatakaanya yamarivanigasa'na. Sahwara Beyomire kaimiraayai Belaamimire tusari' midimanigasare. Sai kayaa'nanyabwi yade nigwitivikita savina yima'nyana'na nawi'nyina wivu'nakelyi. <sup>16</sup> Kiri' gamire kayaa'nanya' pari'mata yade sabwina maiyagaalya' yima'nyina. Jilikyaawarya dogiyara yagaala majadivisare. Kiri' Belaamimire dogiyai a'mweibi' yagaala dina yaka sahwarimiyagaala wida'na. Sasare sabwi, wi'nawijiwaakya dazai gamire yiraataate yade dazabwi ayina ya'na dogiya dazai tusari' kaanya

tih'i'na yaakelyi.

<sup>17</sup> Kwaasi wijiwaakadivita dazara aaliyiminya pini aalya mwalyuya saa'nya daa'devaaiibisare. Nabaai kwaakewinne yiraaya yihu'maanarya' tivipaidaa'nyi yiwinama'na yadevaaiibisare. Yi waryaanyara. Yaasiwa'nanya widadivisare. Sare'na Gotiyai anga jihinyaanga naangeba mena yovirawaka'. Sahwara kayaa'nanya sahibanna wipi'dere. <sup>18</sup> Sare' dare'nanyi. A'mwe dazahwara kuminne yaya' jaka naanga dadivita sa' yaasiwakebulyi. Yaasiwa'na yadivi' kumire yagaala waryaanyabulyi. Sahwara a'mwe pwaraavi wabwiwayagaala widadivi' kumire munyi' dika yidada kayaa'na girikita'nanya yiya sabwinaji dala pininna pininnanya kilaakejikiya kayaa'nanya sabwinaji sasare saburi a'mwe dazaraavi mwagi'namaata yivaniga'. Wana dahaasagaa' diraginna malimwagyadivisaraavire kwaasiya kayaa'nanyabwi mena yagalya'maveva Naangere tewaanyabwi gaai midinna yivanigasaraavi. <sup>19</sup> A'mwe kwaasiya wijiwaakadivita dazara yune naanga nebulya'na wija'na kwaasi dina "Sarimire yawita sabwi kayaa'nanya pini yihithathivalade mi'. Kayaa'nanya sa yapiji kayaaka myima'nyi tewaanya kuna dimwaalyideihilyi." Kiri' kumi sara kayaaka yinya'ne saburi yaasiwa'wawinyara mwaaidiviki. Yi dare'nanyi. Diraginya pini a'mweri mena wavilavojiyangi, a'mwe dazai diraginya gaminyi wavilavaja sangina yaasiwa'wawinyai mwaalina. <sup>20</sup> Sare' dare'nanyi. Sahwara

Jizaazai Kiraazitiyai nemire Naangei nevadaihasamaarya'neri mena yawiramaa'divi' siduta yawita savina Kwaakevaki yuya girikita'nanya warika sangi yagalya'ma'na. Nabaai aya saburi ayina limwagapiji sa' wila yiralimwaga'dori dara mwaabi'dere. Aaya mudikegaa' Kiraazitiyari malimwagyahaa' kayaa'na mwaalina. Kiri' divi nabaai Naangeri yagalya'ma'na yipija' kayaa'nanya sabwi ayina maarapiji sagaa' wana kayaa'na mwaabi'dere. <sup>21</sup> Sare' dare'nanyi. Sahwara yida'maraanga saburine tusa' simunya myawiramaaryi yipiji kwaji tewaanya' dingaka! Dahaa' tuta sariki mena yawirangadivita sara kiwinya nawi'nyaanga dinika daza' maareva kiri' bule ginyira'divisa' yi sa' kayaa'nanaangesi. Tivikita naangaange' maapi'dere. <sup>22</sup> Sahwaraavi yima'nivanika dazabwi, yagaai'kiwinya nebulya'na dinika pibwi dara din' "Jilikei gannya kwadaake' ayina yiri'mwannanyi'na. Nabaai yaawaryai aalya mena yina'kei kwaaka ara'bunyabanya taaka yemannamarina."

### 3

*Naanga nebulya' "Naangei walaabather'nesi."*

<sup>1</sup> Nimire nya'mweihirina tewaanya nyivu'nadeihi, pikarya datha' ayawidaasi sariminyina yida'mwesi. Pikariyikwia pirawaala dazawaari sarimire simunya yida'maraange' yidikavimwaaihya'ne' yihizaawesi. Yagaala da'na ayina jawiryide'nanyi. <sup>2</sup> Kigaakuna Gotiyari

wi'nawijjwakyaata nawi'nyara dinikenna di'vidaa'nyi Kiraazitiyarina yima'nya'nengina ayina jawirila! Nabaai Naangei nevadai-hasamaarakerine kiwinya dinike' sarimire Nedasaabadeinaavire maangi' kadika wi'nesa' ayina jawirila!

<sup>3</sup> Yagaala dazavine yawita sinnawinya' daresti. Yirika aayarikaavi a'mwe puri'nyarabi' biraiyagaala dadivisara yima'nyina yapiji kunnya simunyavi dika widade kayaa'nanya sabwi mididivi' <sup>4</sup> biraiyagaala dara dipi'dere "Sai yune naanga nebulya'na dake' ayina bathei dingaka! Sarei gawi mwaalika! Sai mabivanike'. Sare' dare'nanyi. Ne sinnawinyara se baleveгаа'daasi dahaakigaasi yuya sa sinnawi waryaakabaabi' kuna warika Gotiyai wakyaakeгаа'daasi." <sup>5</sup> "Sinnawi waryaakabaabi' kuna warikeva," ja kwaasiya' dare'nanyi. Sahwara simunya daza diraginna yawi'divi' darevi kumire simunyavidaa'nyi yawirangadivitara mi'. Sare' kuminyina lika yulya'di'nyi myawiri. Sinnawi kigaakuna Gotiyai yagaalya' kajaa' sigunya' warina yaakesi. Nabaai Gotiyare yagaala savi aalya' sara kyaa' Kwaakevaki aalyavi wila'yima'nyina yaka aalyavi tinnyaba warina. Wakyaakeгаа'. <sup>6</sup> Kiri' nabaai di'vidaa'nyi Gotiyai yagaalya' kajaa' Kwaakevaki aalyaaka naange' yima'nyina kyaa' Kwaakeva' aalya savi kayaaka yima'nyina yaakevaki. Sare' myawiri yivaniga'. <sup>7</sup> Yune yagaala dazahiri' sigunyasi Kwaakevasi dahaa' warikewari yitavalmwagari'. Sara yaka dike' yima'naabathehaa'na yemwaali'. Yi Yirika

Aayagaa' Gotiyarına bule'na wijaavadivisaraavi kotiya' yawibwarya'na yitavalimwagarikesi. Sagaa' sahwara kayaaka yima'nipi'dehaa'nanyi.

<sup>8</sup> Nimore nya'mweihirina tewaanya nyivu'nadeihi, yawita pirina simunya navika nyipidika! Naangere simunyavidaa'nyi yawi'mani' "Yirika gave pigaa'na kwarame waani taawizaniyabisasi (1,000). Kwarame waani taawizaniya daza yirika gave pigaa'bisangi." Nimore yawi'na "Yirikeri' maalikegaaki. Kwarame waani taawizaniya saaminyagaakira." Kiri' gaminyi aawa. Avaalyagaakira. Sare'na gamiregaa' walaabathelyi.

<sup>9</sup> Sinnawi Naangei yune naanga nebulya'na daka sa'na sai yima'nya'nei kave kave mivani'. Sarevina a'mwe pwara yawi'divitabaai' kave kave sabwina mivani'. Aawa. Sai yawi'na "A'mwe kwaala pwai nyiwawodika!" Aawa. Sai dina "A'mwe yuyara simunya mudikebwi yawiramaapika! Nyilimwabika!" Sarevida'nyi sahwai sariminyina yawi'da sai kuna yemwaali'.

<sup>10</sup> Sai yawibwarya'nei walaaboz' kiri' Naangerine Yirikegaa' a'mwe kuka ya'nei badevaabi' yima'nadehaaki. Yirika sariki sagaa' sigunya' yimunya naanga piloji yiwinama'na yadesi. Sahiba nyilyalyi lawelyi silingaaminyaji sa dike' nasi'na kyoji aalya'bi' yima'nyina, yiwina yadengi. Yuya kwaaka kivaki warika saji sahi'vaki yadivita saji yuya sa Gotiyai ku'maayaba marima'naabathengi.

<sup>11</sup> Yuya sasare sa aalya'b'ita mena sara yima'nadenna gatha'dareihi mwaabi'neihilaka!

Sarim̄i tewaanyabur̄ina yamaryadiv̄i! Gotiyare yuya sabwi nayaa d̄im̄id̄inȳila! <sup>12</sup> Sasare sabur̄i Gotiyare Yir̄ika sagaa'na nayaa yemwaaidiv̄i! ȳi Yir̄ika Naanga sagaa' yaraina ȳima'nade'na sarim̄i Naangere waw̄inya diragin̄na nayaa j̄ila! Naanga Yir̄ika dazagaa' sigunya' d̄ika nasi'na yades̄i. D̄ikwara'munanga naange' gam̄ire yuya war̄ika saba sa d̄ika nasi'noj̄i aalya'bi' ȳima'nadengi. <sup>13</sup> Kir̄i' Gotiyai yune naanga nebulya'na mena jaakev̄i sigunya mud̄ikevas̄i kwaaka mud̄ikevas̄i sawaar̄ina yemwaaiho. Sah̄iba yune ȳida'maraangeb̄wina waradevera.

<sup>14</sup> Nim̄ire nya'mweih̄ir̄ina tewaanya nȳivu'nadeihi, sarev̄idaa'nȳi dazanna yemwaaidiv̄i! Naanger̄ine nayaa diragin̄na yadiv̄i! naw̄i'nya ȳida'na mwaaidiv̄i! Naangegaa' Gotiyare tinnyar̄i ȳiwetawakya p̄in̄ij̄iyaihi namwaaib̄ith̄ika! Sip̄+zip̄iya ȳiwihwaarya maayara gir̄ikita'nanya maayarab̄isaihi d̄im̄waalȳila! Nabaai sarim̄i Gotiyalȳi avaaiz̄imunya'na d̄im̄waalȳila! Gotiyare kwaamusabur̄i d̄im̄waalȳila! Sarim̄i naw̄i'nya kuna sara mwaaidapi div̄i Gotiyai ȳihwanganadelȳira. <sup>15</sup> Naangei nem̄inȳi kave neyada kuna yemwaal̄i'. Sare'na nayaa dara jaw̄irila! “Sasare sabwi a'mwe kwainaavi kuna nevadaihasamaaradevwina.” Gotiyai simunya tewaanya' kujaava' nem̄ire neya'mwer̄ina tewaanya nevu'nadei Pol̄i sai kwalȳi sarim̄inȳina p̄ikarya avaala sah̄ibaaib̄i'na ȳidavakelȳi. <sup>16</sup> Yo, gam̄ire p̄ikariȳikwia yuyangi, dazah̄in̄inna dadelȳi. Nabaai yagaala p̄ini p̄ikariȳikwia dazangi war̄ike nayaa

yawiramaarya'na yagiyagi wawinyasi. A'mwera siduta maayara kumire simunya diraginnya mwaryadesiyara Polimire yagaala daza mariwinakadivi' Gotiyare Bukuyaviya yagaala yuya piningiji mariwinakadivitabaaibisasi. Nabaai sasare sara yadivi' kumi dazahwara kayaaka yigainya'nerera.

<sup>17</sup> Nimire nya'mweihirina tewaanya nyivu'nadeihi, sinnawi mi'na yihithiwe'na yuya dazanna mena yawi'divisaihiyi. Mi'na yihithiwe yuya sasarevidaa'nyi sarimi saihi mala nayaa jiwannyila! A'mwe kiwinya galazekivaidivisaraavire kwaasi yagaalya sariminyi yihimwagi'nadaawori sarimi nebulyavi diraginna madaayi nyipika! Nalaraawipika! <sup>18</sup> Aawa. Sarimi Naangere yanga gaimwanga naangevi dimwaalyila! Sahwai nemire Naangei, nevadaihasamaa'dei, Jizaazai Kiraazitiyalyi. Sareri yanga gaimwanga dazaviji sahwari simunya yawiramaarya'neviji diraginna divada'galedaayila! Sarevi sarimi yanga naanga daza' ayina piniji kuna naanna dimaaryila! Sara yadivi' sarimi Kiraazitiyari yawita simunyabwi kwalaalya kuna dimaaryila! Dahaasi yuyagaa' yuyagaa'ne yirikesi gamire yaya' munyaba makilaana! Sai byaannakelyi. Sarei yuyagaa' yuyagaa' kuna naanga mwaalana!

*Pitai*

**Yipma Genesis and New Testament  
Genesis and The New Testament in the Yipma/Baruya  
language  
Buk Stat na Nupela Testamen long tokples Yipma long  
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files dated 9 Oct 2020

ef60f748-49e3-5ee0-8e6d-a25b74b7a93c